

অন্ত্যানুপ্রাসের এবং এই অন্ত্যানুপ্রাস সম্ভবপর হয়েছে শ্রুত্যানুপ্রাসের সহকারিতায়। শ্রুত্যানুপ্রাসহীন অন্ত্যানুপ্রাসের উদাহরণ :

“দেবী, তব সিঁধিমূলে লেখা
নব অরুণ সিঁহুররেখা,
তব বামবাহু বেড়ি শঙ্খবলয় তরুণ ইন্দুলেখা।
একি মঙ্গলময়ী মুরতি বিকাশি প্রভাতে দিতেছ দেখা ॥”

—রবি।

বর্ণের প্রথম-দ্বিতীয় (যেমন ত-ধ) অথবা তৃতীয়-চতুর্থ (যেমন দ-ধ) বর্ণের ধ্বনিসাদৃশ্য শ্রুত্যানুপ্রাসের সৃষ্টি করে; কিন্তু প্রথম-তৃতীয় (ত-দ...), প্রথম-চতুর্থ (ত-ধ...), দ্বিতীয়-চতুর্থ (ধ-ধ...) বা দ্বিতীয়-তৃতীয় (ধ-দ...) করে না। ধ্বনিতত্ত্বের দিক থেকে এইটেই স্বাভাবিক; কারণ, ‘ত-ধ’ বা ‘দ-ধ’ একই ধ্বনির অল্পপ্রাণ (mute) আর মহাপ্রাণ (aspirate) রূপ। প্রথম আর তৃতীয় বর্ণকে নিয়ে শ্রুত্যানুপ্রাসজাত অন্ত্যানুপ্রাস কচিৎ দেখা যায়; বর্ণদুটি ‘ক’ আর ‘গ’। শব্দান্তের হসন্ত ‘ক’ (ক্) উচ্চারণে কোথাও কোথাও ‘গ্’ হ’য়ে যায় বর্ণবিকৃতির ফলে : কাক্ > কাগ্, বক্ > বগ্, শাক্ > শাগ্। পশ্চিম বাঙলায় তদ্ভব ক্রিয়াপদের প্রয়োগেও এই বর্ণবিকারটি শোনা যায়—খাক্, যাক্, হোক্ > খাগ্, যাগ্, হোগ্। এই ব্যাপারটিও কাজে লাগিয়েছেন রবীন্দ্রনাথ :

“ভয় কোরো না অলঙ্কারাগ
মোছে যদি মুছিয়া যাক।”

বলা নিম্প্রয়োজন যে এই ক এখানে গ-বৎ উচ্চারিত।

ঝ এবং ড় ধ্বনির অনুপ্রাসও শ্রুত্যানুপ্রাস, বর্ণদুটি মূর্ছিত। এই দুটির শ্রুত্যানুপ্রাসের সহকারিতায় অন্ত্যানুপ্রাসের উদাহরণ :

“স্থির জলে নাহি সাড়া
পাতাগুলি গতিহারা।”—রবীন্দ্রনাথ।
“শ্বেত পাথরেতে গড়া
পথখানি ছায়া-করা।”—রবীন্দ্রনাথ।

কবিতার চরণের মধ্যেও শ্রুত্যানুপ্রাসকে সম্পূর্ণসুন্দরভাবে অল্প অনুপ্রাসের ধাক্কা মিলিয়ে দিয়েছেন রবীন্দ্রনাথ :

“নিরাবরণ বক্ষে তব, নিরাভরণ দেহে
চিকন সোনা-লিখন উষা আঁকিয়া দিল প্লেহে।”

—প্রথম চরণে ‘ব-ভ’ ঞ্চত্ব্যনুপ্রাস ; ‘নিরারণ-নিরারণ’ ছেকানুপ্রাস ; মিলিতভাবে (‘নিরাবরণ-নিরাভরণ’) সাধারণ অনুপ্রাস । দ্বিতীয় চরণে ‘ক-খ’ ঞ্চত্ব্যনুপ্রাস ; ‘ন-ন’ বৃত্ত্যানুপ্রাস ; ‘ইকন-ইখন’ মিলিত সাধারণ অনুপ্রাস । মধুর উদাহরণ ।

(খ) অন্ত্যানুপ্রাস ৪

পদে পাদান্তের সঙ্গে পাদান্তের, চরণান্তের সঙ্গে চরণান্তের ধ্বনিসাম্যের নাম অন্ত্যানুপ্রাস ।

বৈদিক থেকে লৌকিক পর্যন্ত সংস্কৃত কাব্যে বৃন্তচ্ছন্দ বেশী প্রচলিত । “বৃন্তম্ অক্ষরসংখ্যাতম্” অর্থাৎ metres regulated by the number of syllables with rhythm but without rhyme । কাজেই পাদান্তগত বা চরণান্তগত ধ্বনিসাম্য যেখানে মিলেছে, সেখানে তাকে ধ্বনিজাত অলঙ্কার অনুপ্রাস বলেই গ্রহণ করা হয়েছে । প্রাচীন অলঙ্কারশাস্ত্রে ‘অন্ত্যানুপ্রাস’ বলে কিছু নাই ।

অন্ত্যানুপ্রাস অনুপ্রাস হ’লেও অনুপ্রাসের অনুশাসন এখানে শিথিল । এখানে স্বরধ্বনিও সম্মানিত । “...স্বরসংযুক্তাক্ষরবিশিষ্টম্” (ব্যঞ্জনম্), বলেছেন বিশ্বনাথ কবিরাজ । আধুনিক ইংরিজি সংজ্ঞাতেও এই ভাবের কথা আরও সুন্দর ক’রে বলা হয়েছে : Rhyme (আমাদের অন্ত্যানুপ্রাস) হ’ল, “likeness between the vowel sounds in the last metrically stressed syllables of two or more lines or sections of lines, and between all sounds, consonant or vowel, that succeed” (Smith) ।

অন্ত্যানুপ্রাসে স্বরধ্বনিকে পূর্ণ মর্যাদা দেওয়া ছাড়া উপায় নাই । এমন কি, অনুপ্রাসিত ব্যঞ্জনধ্বনির পূর্ববর্তী স্বাধীন অথবা পরাধীন স্বরধ্বনিকেও অন্ত্যানুপ্রাসে গ্রহণ করতে হবে, যদি এ ধ্বনি সদৃশ হয় । যেমন—

“ধরা নাহি দিলে ধরিব ছুপায়,
কি করিতে হবে বলা সে উপায়,
ঘর ভরি দিব সোনায় রূপায়” —রবীন্দ্রনাথ ।

—অন্ত্যানুপ্রাস ‘উপায়-উপায়-উপায়’ ; দ্বিতীয় চরণে ‘উ’ স্বাধীন, প্রথম আর তৃতীয় চরণে পরাধীন : দ্+উপায়, ব্+উপায় অর্থাৎ ‘দ্’ আর ‘ব্’ থেকে ‘উ’-কে ছিনিয়ে নিয়েছি ।

বাঙলাকাব্যে শুদ্ধ স্বরধ্বনির অন্ত্যানুপ্রাস যথেষ্ট পাওয়া যায় :

- (i) শোন্ শোন্ লো রাজার ঝি,
তোরে কহিতে আসিয়াছি,—

কান্ন হেন ধন পরাণে বধিলি একাজ করিলি কি ।”—কবিরঞ্জন বিদ্যাপতি ।

- (ii) “কহিল, ‘ওস্তাদজি,
গানের মতো গান শুনায়ে দাও, এরে কি গান বলে, ছি’ ।”—রবীন্দ্রনাথ ।

- (iii) “কহিলা কবির স্ত্রী,
মাথার উপরে বাড়ি পড়োপড়ো তার খোঁজ রাখ কি ?”—রবীন্দ্রনাথ ।

- (iv) “আমার সুন্দর না
ষেবা আসি দিবে পা”—মাধবদাস ।

- (v) “মনে মনে ভাবছে কেসর খাঁ,
তেমন ক’রে কাঁকন বাজছে না”—রবীন্দ্রনাথ ।

প্রথম তিনটিতে ‘ই’ ধ্বনির এবং পরের দুটিতে ‘আ’ ধ্বনির অন্ত্যানুপ্রাস ।
ব্যঞ্জনাশ্রিত না ক’রে শুধু স্বরেই অন্ত্যানুপ্রাস করা যায় :

‘এখন ব’লে যাও গামাপা ধা,
আশের বেলা শুধু আআআ আ।’—শ. চ.

আমাদের আধুনিক কাব্যে, বিশেষ ক’রে ধ্বনিরসিক রবীন্দ্রনাথের কাব্যে অন্ত্যানুপ্রাস বহুবিচিত্র রূপ লাভ করেছে । এর জন্ম আমরা ঋণী মহাকবি জয়দেবের কাছে । অননুক্রমণীয় কাব্য ‘গীতগোবিন্দ’র গানগুলিতে একাক্ষর (monosyllabic), দ্ব্যক্ষর, ত্র্যক্ষর এবং তিনেরও বেশী অক্ষরের সুন্দর অন্ত্যানুপ্রাস চরণান্তে, পাদান্তে, এমন কি পাদান্তেরও অন্তে প্রচুর রয়েছে । এইভাবে এবং আরও অতিনবভাবে অন্ত্যানুপ্রাসে রবীন্দ্রকাব্য গুণনমুখর ।

শ্রেণীবদ্ধ উদাহরণ :

সহজ পথের অন্ত্যানুপ্রাস :

- (i) “ঝর্ণা ! ঝর্ণা ! সুন্দরী ঝর্ণা !
তরলিত চন্দ্রিকা চন্দনঝর্ণা”—সত্যেন্দ্রনাথ ।
- (ii) “অজানা গোপন গন্ধে পুলকে চমকি
দাঁড়াবে থমকি”—রবীন্দ্রনাথ ।
- (iii) “নূপুর গুঞ্জরি যাও আকুল-অঞ্চলা
বিহ্যৎ-চঞ্চলা”—রবীন্দ্রনাথ ।

(iv) “ভাষার মধ্যে তলিয়ে গিয়ে খুঁজিনে ভাই, ভাষাতীত,

আকাশপানে বাহু তুলে চাহিনে ভাই, আশাতীত।”—রবীন্দ্রনাথ।

—অর্ণা-অর্ণা; অমকি-অমকি; অঞ্চলা-অঞ্চলা; আষাতীত-আশাতীত। স্বরধ্বনিসমেত গ্রহণ করতে হয় একথা আগে বলেছি। শিথিল ভাষায় বলা হয় ‘রবি’ আর ‘কবি’ মিল হয়েছে। একথা বলা ভুল—‘র’ আর ‘ক’ অনুপ্রাস নয়, ‘অবি-অবি’ অনুপ্রাস যেমন ‘take-sake’ রাইম নয়, রাইম ‘ake-ake’। স্বরধ্বনি সর্বত্রই গ্রহণীয়।

রবীন্দ্রনাথকর্তৃক খেলাচ্ছলে সৃষ্ট একটি অন্ত্যানুপ্রাসের উদাহরণ :

“শ্রাবণে ডেপুটিপনা

এ তো কভু নয় সনা-

তন প্রথা এ যে অনা-

সৃষ্টি অনাচার।”—(শ্রীশচন্দ্র মজুমদারকে লিখিত পত্রাংশ)।

চিত্র অন্ত্যানুপ্রাস (Composite rhyme)

(v) “দিঘির কালো জলে সাঁঝের আলো বলে।”—রবীন্দ্রনাথ।

(vi) “সন্ধ্যামুখের সৌরভী ভাষা,

বক্ষ্যাবুকের গৌরবী আশা...।”—যতীন্দ্রমোহন।

—এ ছুটি একভাবে। প্রথমাংশের ছটো ক’রে কথা দ্বিতীয়াংশের ছটো ক’রে কথার সঙ্গে মিল ঘটিয়েছে : ‘কালো-আলো’, ‘জলে-বলে’; ‘সৌরভী-গৌরবী’, ‘ভাষা-আশা’। প্রত্যেক কথাটা পূর্ণ পদ। ধ্বনিবিচার পূর্ববৎ।

(vii) “এতটুকু ফাঁকা যেখানে যা পাই

তোমার মুরতি সেখানে চাপাই।”—রবীন্দ্রনাথ।

(viii) “আসে গুটি গুটি বৈয়াকরণ

ধূলিভরা ছুটি লইয়া চরণ”—রবীন্দ্রনাথ।

—(vii)-তে প্রথমাংশে ছুটি কথা, দ্বিতীয়াংশে একটি। ‘যা পাই’ পদছটির সমগ্রধ্বনি ‘চাপাই’-এর ধ্বনির সঙ্গে অনুপ্রাসিত।

(viii)-তে ছয়টি ক’রে অক্ষরের (syllable) অন্ত্যানুপ্রাস।

সংক্ষেপে, গুটি বৈয়া করণ } অথবা, গুটি বৈয়াকরণ }
 ছুটি লইয়া চরণ } ছুটি লইয়াচরণ }

উপান্ত অনুপ্রাস (Penultimate rhyme)

(ix) “জমবে ধূলা তানপুরাটার তারগুলান্ন,

কাঁটালতা উঠবে ঘরের দ্বারগুলান্ন,...।”—রবীন্দ্রনাথ।

- (x) “এমনিধারা একটি চপল পলকসম,
ক্ষণপ্রভার হাসির একটি ঝলকসম
তিনটি ফাগুন অভ্যাগতের কুঞ্জ দিয়ে
পার হ'ল তায় পূজার অর্ঘ্যপুঞ্জ দিয়ে।”

—শ্যামাপদ চক্রবর্তী।

- (xi) “কচি কচি ছুটি টুকটুকে চৌট অতিমানভরে ফুলে ওঠে,
নয়নের কূলে অশ্রুধাখার ছলে ওঠে।...
‘ছি ছি, থাক থাক, সরো, হবে’খন, খোকনের মান ভাঙি আগে,
ওর হাসিমাখা চুমায় এমুখ রাঙি আগে’।”

—শ্যামাপদ চক্রবর্তী।

—হ্রস্বর্ণের অন্ত্য শব্দ এক (গুলায়, সম, দিয়ে, ওঠে, আগে); অনুপ্রাস উপাস্ত শব্দে (তার-দার, পলক-ঝলক, কুঞ্জ-পুঞ্জ, ফুলে-ছলে, ভাঙি-রাঙি)।

সর্বানুপ্রাস (Omnirhyme)

- (xii) “গগনে ছড়ায়ে এলোচুল
চরণে জড়ায়ে বনফুল।”—রবীন্দ্রনাথ।
- (xiii) “সন্ধ্যামুখের সৌরভী ভাষা,
বন্ধ্যাবুকের গৌরবী আশা।”—যতীন্দ্রমোহন।
- (xiv) “রজনীগন্ধা বাস বিলালো,
সজনী সন্ধ্যা আসবি না লো?”—যতীন্দ্রমোহন।

—‘গগনে-চরণে’, ‘ছড়ায়ে-জড়ায়ে’, ‘এলোচুল বনফুল’; ‘সন্ধ্যা-বন্ধ্যা’, ‘মুখের-বুকের’, ‘সৌরভী-গৌরবী’, ‘ভাষা-আশা’; ‘রজনী-সজনী’, ‘গন্ধা-সন্ধ্যা’, ‘বাস বি-আসবি’, ‘লালো-না লো’। অত্যন্ত কৃত্রিম; তবু সাহিত্যে রয়েছে যখন, উদ্ধৃত করতেই হবে। শেষের উদাহরণ তিনটিতে সত্যকার অন্ত্যানুপ্রাস রয়েছে বলেই সর্বানুপ্রাসলক্ষণ-সত্ত্বেও এদের অন্ত্যানুপ্রাসের দলভুক্ত করলাম।

Omnirhyme নামকরণটি আমার নিজের। এ নাম আমি দিয়েছিলাম ১৯৩৭ খৃষ্টাব্দে প্রকাশিত আমার ‘Golden Book of Rhetoric and Prosody’ গ্রন্থে; বহু অনুসন্ধানের ফলে একটি ইংরিজি উদাহরণ আবিষ্কার করেছিলাম—

“Ripe for rest

Pipe your best”—John Davidson.

একটি অদ্ভুত উদাহরণ :

“বন্ধু, বন্ধু গো,
ভালো হ’তে হেথা মন্দ যে বেশী নাহিক সন্দেহ ”

—যতীন্দ্রনাথ ।

‘উ’কার ‘এ’কার বাদ দিয়ে ‘হ’-কে ‘হো’ (বাঙলামতে প্রকৃত উচ্চারণ এখানে ‘ও’কারাস্ত) ধরলে দাঁড়ায় ‘বন্ধু গো-সন্দ হো’=‘অন্ধ ও-অন্দ ও’। ‘অ’হুটি স্বাভাবিক ; ‘উ’কার ‘এ’কারকে মূল্য না দিয়ে শুধু ‘ন্ধ-ন্দ’ ইংরিজিমতে Consonance আর ‘গ-হ’-কে মূল্য না দিয়ে ‘ও-ও’ Assonance । তবে এটাও ঠিক যে ‘গ’ আর ‘হ’-র মধ্যে একটা শ্রুতিগত ভাবসাদৃশ্য আছে । ইংরিজির consonance অর্থাৎ স্বরধ্বনিকে মূল্য না দিয়ে শুধু ব্যঞ্জনধ্বনির অন্ত্যানুপ্রাসের প্রয়োগ বাঙলায় কেউ কেউ করছেন । ১৩৬০ বঙ্গাব্দের পূজাসংখ্যা ‘দেশ’ পত্রিকা থেকে একটি উদাহরণ দিলাম :

“মনে আছে সেই গ্রীষ্মের দিনপঞ্জী ।
রোদে ফুটিফাটা মাঠের পাঁজরে
কচি শশুর চারা ধুঁকে মরে—
ঘূর্ণি ধুলোয় এসেছে নকল পাঞ্জা
আসেনি প্রবল বর্ষণে মেঘপুঞ্জ !”—মণীন্দ্র রায় ।

[জয়দেব থেকে কয়েকটি উদাহরণ :

- | | |
|--|---|
| (i) “চল সখি কুঞ্জং
সতিমিরপুঞ্জং... ।” | (ii) “রচয়তি শয়নং
সচকিতনয়নং... ।” |
| (iii) “মধুরমধুযামিনী
কৃতস্নকৃতকামিনী ।” | (iv) “স্থলকমলগঞ্জনং
মম হৃদয়-রঞ্জনং... ।” |
| (v) “বরভরুগেন
অতিকরুগেন ।” | (vi) “জনকস্নতাকৃতভূষণ
জিতদূষণ ।” |
| (vii) “অহহ ন যথৌ বনম্
অপি রূপযৌবনম্ ।” | (viii) “অনিলতরলকুবলয়নয়নে
তপতি ন সা কিসলয়শয়নে |

আধুনিক ইংরিজি কবিতায় অন্ত্যানুপ্রাসের সঙ্গে সঙ্গে আঙ
প্রাসেরও প্রয়োগ কোনো কোনো কবি করেছেন দেখতে পাই :

"Crude daubs that cavemen would have scorned,
yet fools conspired to praise,
Rude verse less rhythmic, more uncouth, than pristine
bardic lays."—Stephen Phillips.

—অন্ত্যানুপ্রাস (স্বাভাবিক rhyme) : 'Praise-lays' ; আত্মানুপ্রাস :
'Crude-Rude' । বাঙলায় এমনি উদাহরণ পেলে তার একটা নাম তো দিতে
হবে ; তাই এর নাম দিলাম আত্মানুপ্রাস । বাঙলা উদাহরণ অবশ্য পেয়েছি :

“নর্শের অবকাশ নাই রে
মগ্ন রয়েছি সদা কর্শে,
চিন্তায় ভুলে থাকি তাই রে
লগ্ন রয়েছে যাহা মর্শে ।”

—লীলাময় রায় (অন্নদাশঙ্কর) ।

—‘মগ্ন-লগ্ন’ আত্মানুপ্রাস । ‘কর্শে-মর্শে’ অন্ত্যানুপ্রাস ।

অন্ত্যানুপ্রাসহীন বৃন্তচ্ছন্দে রচিত বরকৃষ্ণের সুবিখ্যাত কবিতায় অতি সুন্দর
আত্মানুপ্রাস দেখতে পাচ্ছি :

“ইতরতাপশতানি যথেষ্টয়া
বিতর তানি সহে চতুরানন ।
অরসিকেষু রসস্র নিবেদনং
শিরসি মা লিখ মা লিখ মা লিখ ॥”

—আত্মানুপ্রাস ‘ইতরতা’-‘(ব্)ইতর তা’ ।

রবীন্দ্রনাথের

(i) “বাঁকিয়ে ভুরু পাকিয়ে চক্ষু বিহু বললে খেপে”

(ii) “নিরাবরণ বক্ষে তব নিরাভরণ দেহে”

—এ দুটিতে পাদগত আত্মানুপ্রাস । আর,

(iii) চিকন সোনা-লিখন উষা আকিয়া দিল স্নেহে”

—এটিতে পাদার্দ্ধগত আত্মানুপ্রাস ।

(গ) স্বত্বানুপ্রাস ৪

Pr. কৃতপক্ষে সকল অনুপ্রাসই বৃত্ত্যানুপ্রাস, কারণ একই ব্যঞ্জনধ্বনির বৃত্তি
করেছি বৃত্তি—repetition) অনুপ্রাসমাত্রেরই প্রাণ । অনুপ্রাস-প্রসঙ্গে বিশেষ
এ ‘বৃত্তি’ কথাটি প্রথম যোগ করেন অষ্টম শতাব্দীর উদ্ভট । তাঁর
৪’ মানে বলার ভঙ্গী ; প্রকাশের রূপের দিকটাই তাঁর কাছে ছিল বড় ।

র্তার তিনরকম বৃত্তির নাম ‘পরুষা’, ‘উপনাগরিকা’ আর ‘গ্রাম্যা’ (পরবর্তী কালের ‘কোমলা’)। এদের মধ্যে ‘উপনাগরিকা’-র আসন সকলের উর্দ্ধে, কারণ তুলনায় সে নগরবাসিনী বিদগ্ধা বনিতার মতন। উদ্ভটের মতে—

(i) “সহসা বাতাস ফেলি গেল খাস শাখা ছুলাইয়া গাছে” (রবীন্দ্রনাথ) ‘পরুষা’র উদাহরণ, কারণ এতে ‘শ-স’ ধ্বনির প্রাধান্য ;

(ii) “ললিতগীতি কলিতকল্লোলে” (রবি) ‘গ্রাম্যা’র উদাহরণ তরল ‘ল’ ধ্বনির প্রাধান্য বলে ; আর ‘উপনাগরিকা’র উদাহরণ :

(iii) “কুন্দবরণ সুন্দর হাসি” (রবি) বা “কিঙ্কিনী করকঙ্কণ মুহু বঙ্কিত মনোহারী” (জগদানন্দ) অনুনাসিকমধুর একই ব্যঞ্জনধ্বনির আবৃত্তি বলে।

কেউ কেউ ‘বৈদর্ভী’ রীতির সঙ্গে ‘উপনাগরিকা’র, ‘পাঞ্চালী’র সঙ্গে ‘গ্রাম্যা’র (কোমলার) এবং ‘গৌড়ী’র সঙ্গে ‘পরুষা’র সম্বন্ধ স্থাপন করলেন।

কেউ কেউ ভরতমুনির নাট্যশাস্ত্রের “বৃন্দয়ঃ কাব্যমাতৃকাঃ”-র আকর্ষণে আনলেন তাঁর ‘কৈশিকী’, ‘ভারতী’ ইত্যাদি বৃত্তিকে। উদ্ভটের ‘বৃত্তি’ আর ভরতমুনির ‘বৃত্তি’র মিলন ঘটল রসসাগরসম্মে। আনন্দবর্দ্ধন বললেন, উপনাগরিকা ইত্যাদি শব্দাশ্রয়া বৃত্তি আর কৈশিকী ইত্যাদি অর্থতত্ত্বসংবন্ধা বৃত্তি (ধ্বন্যালোক ৩৪৭ বৃত্তি)। ভরতমুনির “কৈশিকী শ্লক্শনেপথ্যা শৃঙ্গার-রসসম্ভবা”-র অনুসরণে অভিনবগুপ্ত বললেন, উপনাগরিকা-নামক “অনুপ্রাস-বৃত্তিঃ শৃঙ্গারাদৌ বিশ্রাম্যতি। পরুষা ইতি দীপ্তেষু রোদ্ভাদিষু। কোমলা ইতি হাস্যাদৌ।”

সেই সময় থেকেই বৃত্ত্যানুপ্রাসের ‘বৃত্তি’ কথাটার অর্থ হ’য়ে গেছে রসের আনুগত্য এবং এর সংজ্ঞা করা হচ্ছে এই বলে—

রসানুগত অনুপ্রাসের নাম বৃত্ত্যানুপ্রাস।

এ সংজ্ঞার প্রয়োজন ছিল বলে মনে করি না, কারণ কবির সৃষ্টিতে সকল-রকম অনুপ্রাসই রসানুগত অনুপ্রাস আর অকবির হাতে তথাকথিত বৃত্ত্যানুপ্রাসও অট্টহাস।

বৃত্ত্যানুপ্রাস-সম্বন্ধে চারটি কথা মনে রাখতে হবে :

প্রথম—একটিমাত্র ব্যঞ্জনবর্ণ ছুবারমাত্র ধ্বনিত হবে :

(i) “নাহি চাহি নিরাপদে রাজভোগ নব”—রবীন্দ্রনাথ।

—‘হ’ এবং ‘র’ মাত্র ছুবার ক’রে ধ্বনিত হয়েছে।

(ii) ‘বজুলবনে মঞ্জুমধুর কলকণ্ঠের তরল তান—শ. চ.

—‘ব’, ‘ম’, ‘ক’ এবং ‘ত’ মাত্র ছুবার ক’রে ধ্বনিত হয়েছে।